

R I T U S,

E T

C Æ R E M O N I Æ

S E R V A N D Æ

IN SOLEMNI CELEBRATIONE

M A T R I M O N I I

INTER REGIAM CELSITUDINEM

SERENISSIMI

J O S E P H I

REGII HUNGARIÆ, AC BOHEMIÆ
PRINCIPIS HÆREDITARII,
ET AUSTRIÆ ARCHIDUCIS,

NEC NON

REGIAM CELSITUDINEM

SERENISSIMÆ

I S A B E L L Æ

B O R B O N I Æ

REGIÆ HISPANIARUM INFANTIS,
AC PARMÆ PRINCIPISSÆ

C O R A M

Illustrissimo, ac Reverendissimo D. D.

P E T R O C R I S T I A N I

PLACENTIÆ EPISCOPO, ET COMITE,
IN CATHEDRALI PARMÆ.



Cum pervenerit Episcopus ante gradus Altaris in cornu Epistolæ, reverentiam faciet cum Mitra Supremo Principi, necnon Regiæ Sponsæ, ac Principi Procuratori, postea Altari in medium, deposita Mitra, ascendet ad Altare, illud in medio osculabitur, & iterum accepta Mitra expectabit in cornu Epistolæ versus ad Principes, dum Regia Sponsa, ac Princeps Procurator pervenerint ante gradus Altaris, ad quos statim conversus, Eos cum Mitra iterum salutabit. Statim legetur Mandatum Procure, & Dispensatio Apostolica.

Tum vero, stante ibidem utroque Contrabente, Episcopus, accedente Ministro cum Libro, & alio cum Candela, interrogabit Principem Procuratorem his verbis:



Elfissime Princeps WENCESLAE de Liechtenstein, vis Tu tamquam Procurator Regiæ Celsitudinis Serenissimi JOSEPHI Hungariæ, ac Bohemiæ Regii Principis Hæreditarii, atque Austriæ Archiducis, & Ejus Nomine desponsare, & pro Eo ducere in Uxorem Regiam Celsitudinem Serenissimam ISABELLAM Borboniam Regiam Hispaniarum Infantem, ac Parma Prin-

mæ Principissam hic præsentem, & promittis, quod dictus Serenissimus JOSEPHUS Regius Princeps Hæreditarius, & Austriae Archidux Illam tamquam Sponsam, & Uxorem tenebit, & tractabit, secundum id, quod disponit, & mandat Sacrosancta Romana, & Apostolica Ecclesia?

Princeps Procurator respondebit:

Volo, & ita promitto.

Deinde Episcopus interrogabit Regiam Celsitudinem Serenissimam Principissam Isabellam his verbis:



Regia Celsitudo Serenissima ISABELLA Borbonia, Regia Hispaniarum Infans, ac Parmæ Principissa, visne Regiam Celsitudinem Serenissimum JOSEPHUM Hungariæ, ac Bohemiæ Regium Principem Hæreditarium, atque Austriæ Archiducem absentem in tuum legitimum Sponsum, & Maritum, & Ejus nomine desponsari a Celsissimo Principe WENCESLAO de Liechtenstein hic præsentem, & promittis tenere, & tractare dictum Serenissimum JOSEPHUM Regium Principem Hæreditarium, & Austriæ Archiducem pro tuo legitimo Sponso, & Marito,

fecun-

secundum id, quod disponit,
& mandat Sacrosancta Romana,
& Apostolica Ecclesia?

*Regia Principissa antequam
respondeat, facit reverentiam Re-
gio Genitori, deinde dicit:*

Volo, & ita promitto.

Episcopus vero subdit:

Ita Vos ego conjungo in Ma-
trimonium, in Nomine Pa-
tris, & Fi-
lii, & Spiritus
Sancti. Amen.

Interim duo Acolythi accedent in parte Epistolæ ad Episcopum, unus deferens super bacili Annulos benedicendos, & alius deferens Vas cum Aqua benedicta, & Aspersorio, & genuflectent ante Episcopum, qui se retrahens ad idem cornu Epistolæ, & stans aliquantulum conversus ad Crucem Altaris, deposita Mitra, benedicet Annulos dicens:


Ÿ. Adjutorium nostrum in nomine Domini.

R. Qui fecit Cœlum, & terram.

Ÿ. Dominus vobiscum.

R. Et cum spiritu tuo.

OREMUS.

Benedic, Domine, hos Annulos, Fidei conjugalis signum, quos in nomine Domini nostri Jesu Christi bene  dicimus, ut qui eis conjuncti designantur, in tua pace consistant, & in tua voluntate permaneant, & in tuo amore vivant, ac senescant, & multiplicentur in longitudine dierum. Per eundem Christum Dominum nostrum. R. Amen.

Qua oratione finita, Episcopus, accepto Aspersorio de manu Presbyteri Assistentis, Annulos Aqua benedicta asperget ter, dicens Antiph. Asperges me. Deinde reddito Aspersorio, & accepta Mi-
tra,

tra, accipiet de manu Presbyteri Assistentis alterum ex Annulis benedictis, quem tradet Principi Procuratori, qui illum ponet super bacili sibi per aliquem Virum Nobilem oblato, atque super eodem bacili porriget Regiæ Principissæ, quæ illum sibimet imponet in digito annulari sinistræ manus, Episcopo vertente renes Cruci Altaris, & dicente:

Annulo suo subarrhet Te Dominus Jesus Christus, & tanquam Sponsam decoret Te Corona. R. Amen.

Alterum vero Annulum servabit apud se Episcopus tradendum postea Regiæ Sponsæ.

Tum

*Tum vero deposita Mitra sub-
junget Episcopus stans ibidem
versus ad Contrahentes:*

℣. Confirma hoc Deus, quod
operatus es in nobis.

℞. A Templo sancto tuo, quod
est in Jerusalem.

Kyrie eleison.

Christe eleison.

Kyrie eleison.

Pater noster. *secreto.*

℣. Et ne nos inducas in ten-
tationem.

℞. Sed libera nos a malo.

℣. Salvos fac fervos tuos.

℞. Deus meus sperantes in Te.

℣. Mitte eis Domine auxilium
de sancto.

℞. Et de Sion tuere eos.

℣. Esto

ψ. Esto eis , Domine , turris
fortitudinis.

℞. A facie inimici.

ψ. Domine exaudi orationem
meam.

℞. Et clamor meus ad te veniat.

ψ. Dominus vobiscum.

℞. Et cum spiritu tuo.

OREMUS.

DEUS, qui tam excellen-
ti Myſterio conjugalem
copulam conſecraſti, ut Chri-
ſti, & Eccleſiæ Sacramenta præ-
ſignares in fœdere Nuptiarum,
præſta, quæſumus, ut quod no-
ſtro miniſtratur officio, tua be-
nedictione impleatur. Per Chri-
ſtum Dominum noſtrum.

℞. Amen.

ORE-

OREMUS.

R Espice, quæsumus Domine, super Famulos tuos JOSEPH, & ISABELLAM Regios Principes, & Archiduces; & institutis tuis, quibus propagationem humani generis ordinasti, benignus assiste, ut qui Te Auctore junguntur, Te auxiliante ferventur. Per Christum Dominum nostrum.

R. Amen.

Tunc Episcopus assumpta Mitra, & Baculo Pastoralis eos benedicat, dicens:

Benedictio Dei Patris omnipotentis, & Filii, & Spiritus Sancti descendat super
JOSE-

JOSEPHUM Austriacum , &
ISABELLAM Borboniam ejus
Uxorem.

R. Amen.

Deinde subdat Episcopus:

Quos Deus conjunxit, homo
non separet.

*Et Baculo deposito , & acce-
pto Aspersorio Contrabentes as-
pergat Aqua benedicta.*


*Deinde per Notarium recita-
tur Instrumentum, stantibus Re-
giis Principibus. Quo finito, ge-
nusflectunt; & Episcopus dat Be-
nedictionem Episcopalem: Sit no-
men Domini benedictum &c.*

Tum

*Tum subdit versus ad Regiam
Sponsam:*

Regia Celsitudo Vestra va-
dat in pace.

*Subinde Regia Sponsa simul
cum Principe Procuratore facta
Altari profunda reverentia, ad
suum divertent genuflexorium,
ubi aliquantulum orabunt; & co-
mitati ab Episcopo &c. discedent.*



PARMÆ CIOIOCCCLX.

EX REG. DUC. TYPOGRAPHIA MONTIANA.

67X
CPE
P E

